

**KENYATAAN MEDIA**

**SWM ENVIRONMENT SAMPAIKAN SUMBANGAN PEMBELIAN BARANGAN MELALUI  
EMPAT PIHAK BERKUASA TEMPATAN NEGERI MELAKA**

---

MELAKA, 13 MAC 2024 – SWM Environment Sdn. Bhd. (SWM Environment) melalui entiti tanggungjawab sosial korporat (CSR) SWM Kasih Misi Sampul Merah melunaskan sumbangan khas Baucar Pembelian Barangan kepada golongan memerlukan di empat kawasan pihak berkuasa tempatan (PBT) negeri Melaka dengan kerjasama Kerajaan Negeri.

Tuan Haji Mohd Norlisam Mohd Nordin, Pengurus Besar Korporat SWM Environment berkata, baucar berkenaan diserahkan melalui PBT-PBT untuk disampaikan kepada penerima yang memerlukan di kawasan masing-masing dan digunakan di rangkaian pasaraya Speedmart berhampiran.

“Sumbangan berjumlah RM30,000 ini memanfaatkan 200 penerima yang layak bagi setiap PBT termasuk Majlis Bandaraya Melaka Bersejarah (MBMB), Majlis Perbandaran Hang Tuah Jaya (MPHTJ), Majlis Perbandaran Alor Gajah (MPAG) dan Majlis Perbandaran Jasin (MPJ).

“Menerusi hubungan erat antara SWM Environment dengan Kerajaan Negeri Melaka melalui PBT-PBT ini, sumbangan ini diharap dapat membantu serta meringankan beban kepada mereka yang memerlukan.

Baucar kepada MBMB disampaikan kepada Datuk Shadan Othman, Datuk Bandar MBMB dalam satu sesi di Graha Makmur, Ayer Keroh manakala MPHTJ kepada Pn Khyrul Syalwane Abu Samah, Pengarah Kewangan merangkap Pemangku Setiausaha MPHTJ di Pejabat MPHTJ, Ayer Keroh.

Penyerahan ke MPAG pula diwakili Pn Radzyna Mahat, Setiausaha MPAG di Pejabat MPAG, Alor Gajah manakala MPJ disampaikan kepada Setiausaha MPJ, En Muhammad Zahiruddin Mohd Zahari di Pejabat MPJ, Jasin.

Terdahulu sesi penyampaian cek replika sumbangan berkenaan telah disampaikan kepada YAB Datuk Seri Utama Ab Rauf Yusoh, Ketua Menteri Melaka mewakili Kerajaan Negeri Melaka di Pejabat Ketua Menteri Melaka, Seri Negeri Ayer Keroh pada 9 Februari yang lalu.

CSR seumpama ini adalah sebahagian daripada usaha berterusan SWM Environment untuk menyantuni golongan sasaran yang memerlukan di samping membantu meringankan beban mereka dalam menjalani kehidupan.

**-TAMAT-**



## **MENGENAI SWM ENVIRONMENT SDN. BHD.**

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: [www.swmenvironment.com](http://www.swmenvironment.com).

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mulai tahun 2024, mata ganjaran yang terkumpul hanya sah untuk tempoh dua tahun dan boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: [www.kitarecycle.com](http://www.kitarecycle.com) untuk mendapatkan maklumat lanjut.

**Untuk keterangan lanjut, sila hubungi:**

**Puan Noor Che Wah Binti Ramli**

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : [wah.ramli@swmsb.com](mailto:wah.ramli@swmsb.com)